

tur inimicis suis in portâ.

*Ant.* Benedicite Dominum, omnes Angeli ejus, ministri ejus, qui facitis voluntatem ejus. Alleluia.

*Ant.* Joseph, fidelis & prudens, quem constituit Dominus super familiam suam. Alleluia.

PSAL. 147.

**L**auda, Jerusalem, Dominum : \* lauda Deum tuum, Sion.

Quoniam confortavit seras portarum tuarum : \* benedixit filiis tuis in te.

Qui posuit fines tuos pacem : \* & adipe frumenti satiat te.

Qui emittit eloquium suum terræ : \* velociter currit sermo ejus.

Qui dat nivem sicut lanam : \* nebulam sicut cinerem spargit.

Mittit crystallum suum sicut buccellas : \* ante faciem frigoris ejus quis sustinebit ?

Emitet verbum suum, & liquefaciet ea : \* flabit spiritus ejus, & fluent aquæ.

Qui annuntiat verbum suum Jacob : \* justitias & judicia sua Israel.

Non fecit taliter omni nationi : \* & judicia sua non manifestavit eis.

*Ant.* Joseph, fidelis & prudens, quem constituit Dominus super familiam suam. Alleluia.

CAPITULUM. Gal. 4.

**F**ratres, quanto tempore hæres parvulus est, nihil differt à servo, cum sit Dominus omnium : sed sub tutoribus, & actoribus est, usque ad præfinitum tempus à patre.

HYMNUS.

**O** Par ingenito, Christe Deus, Patri, Infans ! quem teneris, conjugum sacro, Mulcet Virgo Parens & colit osculis,

Da cunas propè sistere.

Hic discæ meditans supplicium crucis, Fletu nostra tuo crimina diluis.

Vagitu misero flectis & æthera :

Pœnas excipis, innocens,

Libas purpureum, corpore, sanguinem,

Exciso ; Solymæ fata præoccupas,

Natalique solo non pudet ejici ;

Sic ægros, medicus, pias.

Tu, Mater, penetrans grando sacrarium,

Quid vindex scelerum, quid Deus exigit